


Yusufu nun a Tadane

(Yusufu Daxode 1)


Taruxuni ito kelixi

Dunuḡa Falaḡa sora 37



Yaxuba nun a diine findixi xuruse rabane
nan na.

Dii xeme fu nun firin nan yi Yaxuba yii nun.
Koni Yusufu yi rafan a ma dangu e birin na.




Yaxuba yi doma kuye tofajin nagodo
Yusufu ma.

Na kui, a tadane yi Yusufu ranaxu mume
bayo a yi rafan a baba ma dangu e tan na.




© Bethany Fellowship Inc.

Lɔxɔna nde Yusufu yi xiye sa fa fala a
tadane e malo xidine yi e xinbi sin
Yusufu a malo xidin bun.



Yusufu to a xiyen yeƙa a tadane xa, e mi
sewa na ra mumɛ!


Na feen bata maliga alo Yusufu findima
nen mangan na e xun na.



© Bethany Fellowship Inc.


Na xanbi ra, Yusufu mɔn yi xiye sa, sɔgen nun kiken nun sare fu nun keden yi e xinbi sin a bun ma.

Hali a baba yetɛɛn mi sɛwa na xiye na. A bata liga a yɛɛ ra yi alo Yusufu findima mangan na a baba nun a nga nun a tadane birin xun na.



Lɔxɔna nde, Yusufu yi siga xuruse rabadeni a tadane fɛma.

Yusufu tadane yi a to fɛ, e naxa, “Na xiye saan nan fama iki. En na a faxa. En na a woli xɔɲinna ra. Na xanbi ra, en sa a fala en fafe xa fa fala sube ɲaxin bata a don.”




© Bethany Fellowship Inc.

Koni Ruben, dii xamen singena, na yi a fala
a xunyene xa, a naxa, “En nama a faxa.
E a woli xɔɔinni ito ra tun.”

Ruben yi waxi Yusufu kisi feni suturani.

Nayi, e yi Yusufu suxu, e yi a domaan ba
a ma, e yi Yusufu ragodo xɔɔinna kui.


Igen yo mi na xɔɔinna kui na waxatini.



Nanunna yi, e yulane to, naxan sigama Misiran yi. Se fanyi wuyaxi yi ne yii jɔgɔmɛne fari, e xunsaxi Misiran ma a matideni.

Yusufu tada, Yuda, yi a fala, a naxa, “En Yusufu mati itoe ma, alogo en xa gbetina nde sɔtɔ. Na nan fisa dangu en xunyɛn faxa feen na.”


Nayi, e yi Yusufu mati yulane ma. Ne yi a xali han Misiran yi.



A tadane yi koton faha, e na wunla so
Yusufu a doma fadin ma.

E siga na domaan na wunla naxan ma,
e sa a yita e baba Yaxuba ra. E naxa,
“Ito mato, xa i ya diin gbeen na a ra.”

Na kui, Yaxuba yi la a ra yati fa fala sube
xanena nde bata a diini bo.




© Bethany Fellowship Inc.

Koni, Yusufu soxi Misiran nin. A matixi
xεmεna nde ma, naxan xili Potifari.

Yusufu yi findi Potifari a konyina.

Yusufu a nεε fu nun solofere nan yi a ra
a tadane a matixi waxatin naxan yi.



© Bible Visuals International

Yusufu tadane xinle ni itoe ra:

Ruben, nun Simeyon, nun Lewi, nun Yuda, nun Isakari,
e nun Sabulon. Itoe nga findixi **Leya** ra.

Sa na fari, Nafatali nun Dan, e nga naxan findixi **Bila** ra.

Sa na fari, Gadi nun Aseri. E nga findixi **Silipi** ra.

Rakeli yi Yusufu nun a xunyən Bunyamin bari.

Sa na fari, dii temen yi na yi naxan xili Dina. A nga findixi
Leya ra. Yanyina nde dii temen bonne yi na yi nun, koni e
xinle mi sebexi Alaa Kitabun kui.

Publié par la Mission Protestante MCA

République de la Guinée

Juillet 2021

Révision octobre 2023

Les images sont de © Global Recordings (GNR)

© Bible Visuals International

Avec permission

© Et de Bethany Fellowship